

四明文獻集卷之四

王厚齋

制

昭慶軍承宣使左金吾衛大將軍荆湖北路安撫
使兼知鄂州授寧武軍節度使龍神衛四廂都指
揮使夔路安撫使兼知夔州兼提領措置屯田兼
控扼瀘叙昌合四州邊面加食邑食

同科試下第一場首選

後學鄭

真



後學陳朝輔訂補

門下入齋旋而啟鎮密聯廂部之班分閫帥以留田兼飭
邊城之備乃瞻承流之雋夙參完牧之權兵農方急於坤
維表裏載更於師律王言作命士聽無詳其官沈毅而善
謀忠純而知義臨機料敵明四種之兵書御衆牧人備五
材之將略率先瓜士婁秦虜公有嘉衛社之勤寢服執金
之職貳荊州之方面江介肅清殿鄂渚之雄藩民心靖謐
治效已聞於南紀朕衷尤軫於西陲念蜀道之孔艱恃夔
門之堅守遠連夷徼先江陽燹水之捍防近護風寒謹昌
元巴川之控禦欲整軍而經武必徹土以待振惟爾之能
敵王所愾是用易茗誓宣風之秩新葭萌賜節之儀十乘

以先啟行植中權之牙毒蠹四鄰若防制水壯列郡之埃禁
繇副帥以褒升進上游而綏撫昇端拱使名之寵總紹興
稽事之綱虜可勝而秦北田亟上便宜之十二蠻來威而
伐徽旒往陳師旅之三千欽哉實敵以實墉于以維藩而
維翰申陪采賦增賁戎昭於戲按德裕南道之圖慨想籌
邊習農之績覽孔明平沙之陳毋忘渡瀘耕渭之規務本
所以省轉輸設險所以嚴保障祇若予訓式固爾猷可云
云主者施行按詞學指南云唐虞至周皆曰命秦改命為
制漢因之下書有四而制書次焉其文曰制
詔三公顏師右謂為制度之命唐王言有七其二曰制書
大除授用之學士初入院試制書共三篇此試制之始制
用四六以便宣讀宋制知誥中書舍人召試中書而後除
不試號為異禮所以試者觀其敏也

特進觀文殿大學士提舉臨安府洞霄宮授少保
守武軍節度使荆湖廣南宣撫使判潭州軍州荆
湖南路安撫大使加食邑食實封制

門下位左棘以建旄兼總宣威之任殿南邦而不圖益隆
統牧之權疇咨祕殿之英越在群公之表倚重臣而疆本
釋真館以圖庸參錫徽章載颺顯冊具官某忱而寬裕
剛毅而沈潛緯武經文可大則賢人之業集思廣益至公
以天下為心亮采日嚴訏謨辰告久贊襄於衮職邁燕佚
於琳庭冠元豐寓祿之階羽儀賜位峻皇祐崇儒之秩領
輿延恩養恬雖適於雅懷應變未殫於遠略瞻武安之鉅

鎮屹方面之要衝地控重湖內啟腹心之先備疆連五嶺
外如唇齒之相依銷患未形維人無競迪思高廟有若臣
綱繇舊猷而命旬宣即中權而領藩翰徒得君重載績武
功是用篆車升亞保之班昔彝授益昌之節兵事不由中
御合楚粵以撫師戎乘以先啟行指衡湘而植屏數路聽
和門之令十連尊元帥之稱申衍圭畚陪輸幹食以新采
徽治外之晝以謹徹桑未雨之防於戲陶侃啟六沙之封
嘗督軍於交廣方叔振中鄉之旅佇執訊於蠻荆精神折
衝則國勢張指授當任則人心靖厥承猷訓懋建膚公可
寧江軍節度使左驍衛上將軍金州駐劄御前諸

軍部統制授武康軍節度使右金吾衛上將軍興

元府駐劄御前諸軍都統制加食邑食實封制

門下錫齋旄而啟鎮載聯中尉之筆總禁旅以脩戎益重
西陲之寄乃瞻蕃宣之儁夙碑守衛之屢䟽陟典以褒勳
更要衝而統戎明颺渙號敷告師虞具官某果毅而樸忠
沈雄而肅哲營平守節深料敵之威謀稟騎抗旌博冠軍
之姦勇列武威而拱極臨滴水以乘邊王旅嘽之克壯金
湯之勢戎容暨之聿張箕翼之形迪簡予衷戎嘉乃績念
漠中之保障控益部之衿喉復險要於舊圖于疆于理峙
屯營於東道維屏維蕃而凌甫集而未蘇陴壘方更而未

固將飭不虞之備亡踰已試之良是用新駱谷之建牙易
夔江之留務鴟冠魚服陞峻秩於執金犀甲熊旂侈多儀
於授鉞如乾道顯忠之並命若紹興楊政之進屯以嚴細
柳堅壁之威以恢采薇治外之略申加井賦增賁坤維於
戲登拜將之壇決策蓋繇於南鄭上出師之表駐軍欲定
於中原惟山川未改於昔時則事業盍參於前古典聽朕
忠式固爾猷可

趙葵特授少傅依前觀文殿大學士充醴泉觀使

英國公加食邑食實封仍令所司擇日備禮冊命

帝 咸淳元年二月三日

門下可所適燕謀王承鴻業佐民作君而相上帝惟懷永
圖貳公弘化而致一人式序在位瞻言碩望首錫茂恩晉
左棘之穿班渙大廷之顯冊以保具官超蔡寬閑而肅括
俊偉而光明文武憲于萬邦有應變折衝之畧忱恂迪于
九德有庇民尊主之心出則秉斧鉞以董師入則踐樞衡
而穆綽謙之終吉蹇之匪躬願從赤松進退合於禮義非
謂喬木老成重於典刑肆予紹休若古訪落追先帝之遇
諒懷欲報之忠貽哲命之初靡忘用德之訓誕敷而澤可
後者英昔寧皇之登至尊命必大而升亞傳有嘉雅操允
蹈前簡夏篆通疆峻跡特捐祥源使組仍冠延恩增多邑

於采封衍真奮於圭食以篤股肱之舊以昭體貌之隆於
戲世服勞紀於太常夙懋屏毗之績身雖外心在王室尚

遵寅亮之謨永有遠猷益介純嘏可淳祐九年蔡除右丞相

讀書人蔡知之徑出國門上表辭曰霍光不學無術每思

程元鳳時授少保依前觀文殿大學士充醴泉觀

使新安郡南國公加食邑食實封仍令司擇日

備禮冊命制

門下仰惟前代訓官莫重貳公之任永言孝思嗣服聿懷
有佐之賢朕寅紹丕圖恪遵成憲仁霑恩洽用大賚于善
人謨明弼諧實勳相于烈考晉班孤棘字號明庭特進具

官程元鳳德厚而器同學醇而識邃浩然養以百畫責難
陳善之恭休焉如有容得持美效君之體輔贊而藏諸用
動靜不失其時諳簡藩翰之庸自適丘園之佚訪予落止
敷時繹思惟舊人知若勤所以報先帝有嘉猷則入告因
不祇師言繫我碩儒可無異數昔孝皇之盛際王亞保之
殊榮臣浩以耆彥而叙升俊卿以宿望而延拜茲率厥典
載錫之光希冕篆車峻外朝之特揖珍臺同館仍秘致之
隆名申陪采邑之封益衍圭畬之實匪惟霑渥式示褒章
於戲固以寵君成功久遂伊尹告歸之志在厥初貽哲命
無忘召公為保之規克邁前脩永綏多祉可

謝方叔特授時進依前觀文殿大學士惠國公致

仕加食邑食實封制

門下嗣德罔不在初惟忠厚為家法舊人丕克遠省惟爵
齒為達尊顧予續圖爰命施惠敬休億萬載燕及皇天咨
爾二三臣既右烈考乃睠垂車之佚誕盼錫位之榮繹于
師虞歎以渙號金紫先祿大夫具官謝方叔罔深而庸艾
忱裕而粹茂經德不回凜松桂俊凋之操秉心無競參珪
璋特達之純曩宅揆以奮庸善守文而持正仲山之明且
哲以保其身孟軻之致為臣皆有所式行願素履之吉受
祉黃髮之宜澹空谷之自持藐浮雲之何慕惟今立政稽

古尚賢未違設凡以須若仁祖遇衍之禮必有進官之寵
若哲廟待絳之藝聯華一品之階冠序群公之表適觀故

事實非上宰以不除用獎耆儒庶清風之感聳仍延恩之
遠職增奉邑之新畬於戲踐阼而向丹書朕既迪周王之

訓箴國而作懿戒爾益逾衛武之年俾壽而威有猷則告可

有叔以琴一張丹藥一爐獻上蓋以舊學故也似道疑其
有觀望再相意令全臺勅之以為不當誘人主為聲邑之
好欲謫遠即賴呂文德以已官贖丞相之罪遂得免論者
曰專權忌能賈固不能以免居兩貢獻謝亦有以取之

嗣榮王某賜詔書不名依前皇叔太師武康寧江
軍節度使判大宗正事嗣榮王加食邑一千戶實
封四百戶制

內下朕式叙周宗若稽漢典姬公叔父我國家禮亦宜東

平詔書兼親尊敬之至曠師垣之領使朕憲靖以疏恩紫

微令之華屢陳冲避前寧人有訓別議優崇敦告治朝

加異數皇叔具官某融明而迪德寬厚而履和文章規諫

自防粹然君子之美仁義忠信樂善不以人爵為高一命

袞而紹封大宗翰而植屏勲在王室如號叔天錫純嘏如

魯邦惟孝友于兄久行葦之內睦因心篤其慶愴棠棣之

孔懷哀敬有餘禮儀既備對越清廟在天之烈適遵阜陵

復士之彞長于西臺式心百辟專席之拜巖：維民具瞻

闕理之深謙：以卑自牧勉從頻巽曷稱顯庸昔天聖初

褒定王之碩望越元祐際展徐卨之茂親凡賜絲綸植隆
體貌有德爵齒之重錫山土田之多祗率徽章丕昭殊渥
於戲孔子稱達孝之繼志敬其所尊伊尹言諸父之不名
是謂大順增光簡冊燕祉盤維可按嗣榮王賜詔不名制用說苑事說苑曰君之所不名者四諸父臣而不名諸兄臣而不名先王之臣而不名盛德之士臣而不名是也又慶元中嗣秀王賜贊拜不名鄭溥之草制云天下之達尊一德兼爵齒以俱茂人臣之不名五老與親賢而比隆公羊傳註禮於君臣不名者五諸父兄不名上大夫不名盛德之士不名老臣不名二說相須詞臣兼用之可謂博矣

嗣榮王進封福王主榮王祀事加食邑一千戶食

實封四百戶仍令所司擇日備禮冊命制

內下朕詔天駁命若昔鴻猷建令德以屏周昭備物之典

策封近親而輔漢開魯國之士疆惟時叔父之尊峻極帝
師之貴名位宜加於異數山川尤襲於舊邦長樂慈謨謂
褒崇之未稱先王篤愛豈冲眇之敢忘進爵分圭涓長渙
綽皇叔太師與芮秉心寬裕建性高明赤舄之德碩膚樂
善不倦綠竹之文瑟侷大盈若冲闕理義以既多服儉恭
而惟一羽翼聖考表儀天支韓之棣華之和振之麟趾之
厚肆予承序立敬在初康叔之屬獨尊助茲宅命東耳之
思莫比詔以勿名載錫寵光未隆體貌何以適追於先志
盖嘗參繹於前規仁祖德定卨之賢更封于鎮哲廟殊曹
國之睦賜履于荆皆由下武之孝思推為行葦之內睦率

循彞憲可後徽章是用琢金璽而彫真玉燾赤社以介景
福三山寰宇徽號肇新雙節齋壇多儀維舊寅念寢園之
奉具嚴烝禘之修盛德百世祀虞丕衍統承之慶眉壽千
歲保魯茂迎昌熾之休仍董正於宗盟保豐倍於采邑於
戲九經尊位以重祿必先諸父之親萬年惟王永民尚式
庶邦之典與宋無極純嘏是常可榮王度宗生父理宗弟
德祐元年議建藩屏以
強王室 紹興府澠東安撫大使置長史司馬後從幼主
入覲封平原郡公

呂文德依前少保寧武保康軍節度使京湖安撫
制置大使屯田大使兼四川策應大使兼荆鄂州
軍州事兼管内勸農營田使兼侍衛馬軍都指揮

使霍丘郡開國公加食邑七百戶食寔封三百戶
門下朕祇承景命懋敬聲禋定郊祀而允集壇穡正月於
漢典見宗祖而躬執祀參元日於唐儀乾度昭清坤儀肅
穆同金支羽林之樂時則興鼙鼓之思現玉路衣旂之容
時則念旂常之績既輯欽柴之况趣申位棘之褒揚于所
庭敷我餼澤具官某器資閎毅志際忠佗來自來宣而告
成協濟攘夷之畧有嚴有翼而共武屢書敵愾之勲乃兼
峻節之榮乃踐貳公之列討軍寔而申儆克壯其猷未陰
雨而綢繆以固吾圉朕惟除戎斯致孝享治外可告神明
幸甘泉弭夕烽之虞而參旗馳月捷之奏蓋以本強於荆

土所能表拓於蜀疆于救首功其佞多福若庸加勞而賜
胙亦如相祀之執膳爰賦增封真舍衍食於戲覲群牧而
班瑞朕率循肆類之初敏戎公而錫田甬尚迪對揚之祉
益恢茂烈永又嘉師可文德師蜀嘗復瀘川及在襄陽
壞于王帶利之害人如是哉

楊淑妃制

門下朕祇率邦彛通修內治周南之得淑女正王化而厚
人倫唐典之建列妃贊后職而論婦禮宣奉慈宸之訓爰
登世闋之華賜于昕朝示我德選美人楊氏凝姿敏惠迪
性柔嘉固史有閔鍾襲紫傳龜之慶言容可度蹈佩環鳴
玉之飾展如法相之良溫其內則之媿惟朕飭已以教齊

冢在初曠萑葦樛木之詩本原既正凡蒞若蘭林之列位
號靡元妙簡壺儀晉朕宮秩恪助思齊之至養式孚長樂
之徵言謂象著四星盡仰摸於乾緯而教行九御疇協輔
於坤闈載錫茂恩用光懿範名超噴德榮參榆翟之衣品
毗公台甸采金章之綬惟時異數若昔令猷於戲王假有
冢天被甬祿朕怡愉而后佐餒甬其永視膳之恭朕節約
而后親蚕甬其戒曳衣之侈朝夕有無私之志夙夜有相
成之心益衍祉于紫庭永流芳於彤管可特進封淑妃淑
揚氏也二王國廣登極妃稱皇太后聽政時席事疎畧揚
氏與群臣語猶自稱奴崖山既敗楊氏聞帝崩大慟曰我
忍死類閔于此者正謂趙家一塊肉耳今幸登矣遂赴海
死於世傑葬之海濱

王燾依前少保特授平章軍國重事一月兩赴
筵五日一朝仍赴都堂議事加食邑食寔封制

門下尊賢敬大臣莫重乎老成典刑之望治國平天下莫
先乎內外修攘之規曠予宅揆之英允有任邦之畧二人
同心之助方共濟於多艱一日萬幾之繁不欲勞以細務
優加異數字告明庭其官清任而和剛大以直守文持
正至公以天下為心尊主庇民可久則賢人之德行藏繫
善類之消長出處闕時運之盛衰惟上帝賚予爰立作相
惟旧人遠者惠然肯來定六計如砥柱之不移折茹萌若
元龜之先見改紀其政適來厥寧道德成乎安疆國勢復

振將相和則豫附人心寢回以救國功丕應後志蹇匪
躬之故允惟房杜之濟謀休其心有容乃效臯夔之相
遜朕若稽元祐因任宿儒一考時游廟堂皆以大政二相
並秉鈞軸協于同寅祇車異章參建碩輔特崇耆艾之禮
俾居勞佚之間舉其宏綱惟天保采薇之治詢茲黃髮有
訪落小豳之謀入開導於任惟間從容於朝著圭臬申錫
體貌益隆於戲方叔克壯其猷朕庶幾復古之績伊尹自
任以重卿勿替格天之忠壽俊在位則外患消訐謨定命

則治本三懋乃一德登于丕平
燾既為平章以為二相
一人督師臣雖無能為若
效凡計疆亦不敢辭宜于事多專決不聞白於燾及張
傑及進小燾謂國勢尚堪凡敗乞罷平章宜中徑去乃

燭平章軍國重事以保規文殿太子元醴泉現使是歲
年燭清修剛正不阿景疏乞正賢罪國勢危亡不能協謀
以濟大事
士論惜之

陳宜中特授右丞相依前兼樞密使都督諸路軍
馬如食邑食寔封制

門下朕思濟多艱時咨碩望惟尹躬有一德右厥辟而宅
師惟說命德百官置諸左而細誨嘉乃經綸之孝弼予寧
救之功無競惟人倚同心之輔政式序在位協鼎足之承
君延拜元台誕敷坦制某官德秉乎洪毅識造乎高明知
仁勇之資治國家而有裕剛大直之氣寒天地以無疑簡
在先皇俾輔後嗣贊雷厲風飛之決宗廟再安開否消泰

長之機紀綱一正定眾志於綴旒之際同治象於驚濤之
衝精神強而英雋聚朝指授當而將士用命忠貫皦日未
嘗言房杜之功計安生民將欲復文武之竟迺若休，有
容之度藹然濟，相率遜之風蓋開忱布公之心猶恐無
助而應變守文之美其維協恭若昔元祐之隆登庸成德
之彥閔勞大事咨重事之謀儀圖真儒冠上相之任祇適
先憲增光前聞六月薄伐而飭戎車仍領督軍之寄千里
決勝而運籌帷聿嚴基命之謨以尊冢宰掌邦治之權以
懋百揆熙帝載之績申陪邑采玉簪岩瞻於戲四方既平
時靡有爭朕正倚脩攘之畧三后協心同底于道卿益恢

康濟之猶惟時惟幾以迓天休惟和惟一以凝國是保大
定功而干戈戢更化善治而福祿來又我受民欽若成烈
可似道出督以宣中受邪翼之思且柔順易制委以國賈
敗宜中首劾賈罪以自解

留夢炎特授宣奉大夫右丞相兼樞密使都督諸
路軍馬加食邑食實封制

門下選衆而舉臯陶有虞所以凝庶績相右而命召奭成
周所以保受民迪思先皇敷遺哲輔運籌決勝推簡在上
帝心宅揜奮庸其茲我成功所告爾多士揚于大廷具官
某學醇而識閎德厚而才裕尊王秉禮之大義深於春秋
揅時行道之精忠貫乎日月以少雙寡二之望為特立獨

行之儒精神折衝兼文武之畧夙夜基宥冠樞機之謀允
具瞻之素孚謂延登其已晚棟隆不撓碩果猶存南國是
式作爾庸懋乃攸績王事靡盬不違處扞我于艱欲經營
四方以平夷用獎率三軍而興漢維萬民徯司馬之入而
上宰遜王魯之來豈頌勸誦於經唯咸望協熙於帝載矧
今天變未弭國步未寧明黜陟所以制治保邦修政事所
以攘夷復竟爰立作相于救圖功元祐並命三賢若純仁
之躋次輔紹興揔提二枋若臣浚之督成師陟序崇階衍
賦多邑庶幾真儒無敵之效丕展良弼輔德之謨於戲待
裴度而開延英時惟舊人圖任濟房喬而斷大事尚冀乃

僚固心三后協可以澤生民衆正開可以杜群枉指授當
任則邊氛靜處置得宜則國勢強武固爾猷克邁乃訓可
夢使自狀元至宰相在位不克振修攘之烈給舍言其件
令慢諫今之敗降者皆其任用之士遂奔去宋亡入見京
師規求進用謝昌之薦之降吏部尚書至翰林承旨世祖
嘗曰夢炎位至宰相賈似道懷謬設國不能救業李布衣
乃能伏闕乞斬似道命趙孟頫為詩以譏之孟頫曰狀元
曾受宋家恩國困臣強不盡言徃事已非那可說且將忠
去報皇元

葉夢鼎特授元醴泉觀使兼侍讀依前少傅觀

文殿大學士信國公食邑食實封如故制

門下睨更張初政率籲宿儒詢黃髮則因愆閱勞宅牧之
事學古訓乃有獲延登勸誦之聯惟尊德樂道以有為庶

遺大投艱其求濟勉從巽牘誕布渙綸具官其剛大而粹

明忱恂而閑裕海濱大老慄廉頑立懦之風天下達尊懋

輔世長民之德碩果表于群彥靈况歸乎三朝責難謂恭

陳堯舜之正道不可則止恥由求之具臣肆予改弦申命

賜履望公如望歲允有甘棠之思治民如治家丕猷黍苗

之澤以楚丘之謀始壯而東山之志不渝股肱力汝為不

欲煩於方面者壽俊在服其進疆於本朝念冲人道向學

之初維大臣傳德義之益紹興舊弼冠延恩之職而敷經

淳熙者英領祥源之使而詔讀若稽我典載錫優章皆從

我游克邁乃訓於戲尚冊書之敬義毋勤師尚武表海之

行瞻綠竹之環磨尚迎衛武公箴國之戒有謀則就盡歸
乎來可賈似道專政夢昂不得行其志利州轉運使王玠
史數人夢昂曰我斷不為陳自強即求去似道母責似道
曰葉丞相安於家食汝強與之相印令乃牽制若此不從
吾言吾不食矣似道曰為官不得如此
乃使人謝夢昂夢昂乃已後奉祠家居

夏貴特授兩淮宣撫大使知揚州依前南府儀同
三司寧武軍節度使左金吾衛上將軍樞密副使
兼侍衛馬軍都指揮使食邑食實封如故制

內下聽鼓鼙恩帥臣倚一賢而強本戒師旅率淮浦無兩
路以宣威朕逢時隱憂汪意宿望授西討之畧方婁奏於
庸公先元戎之行趣往臨於鉅屏王言作命士聽無詳具

官某良實而忠純沈潛而果毅屬大事可當一面草木莫
不知名方畧無踰老臣樽俎足以却敵有厭難折衝之壯
志有憂國愛民之盛心慨王事之棘則夜衣而行憤杖難
之熾則纓冠而往風聲鶴淚策淝水之奇勳士飽而騰占
郟城之勝氣貳樞列于西輔儀台脉乎三公維元老之方
叔以飭師干維黃髮之尚父以秉旄鉞戎容暨之趣咨籌
幄之謀淮水湯之尤重廣陵之鎮念圖奇分任則氣勢弱
必爭權合一則臂指從欲表裏撐拓之得宜庶首尾運掉
之相應昔高廟之復古命世忠而捍城茲宏建於使名俾
苗穰於外侮陝東西盡護於諸將江南北嚴守於要衝敵

遮旬畿控禦都會式固吾圍亟為朕行於戲來旬來宣告
成于玉既任召虎平戎之寄有嚴有翼共武之服益懋吉

甫憲邦之功威信孚可以輯之和號令明可以作士氣適

圖者定沆濟多艱可此在陽羅堡喪師之後貴既失長江

臣以後進為將有功總統出已上日夜幸其敗督府既潰

貴歸廬州屢詔不出若因向知國亡乃以淮西全竟歸附

以為已功世祖俾為平章後四年卒將葬僧祝之曰今年

八十回何不七十九白骨葬青山萬古名不朽

孫虎臣時授清遠軍節度使加食邑食實封制

門下朕注意戎昭夜懷邊瑣賜諸候弓鉞用進於有功

建大將敷旗爰設壇而具禮告爾多士揚于明廷具官某

志槩忠純器資雄毅有擲侮折衝之畧援桴鼓則忘身有

牧人御衆之才執干戈而衛社式固吾圍葉奏膚公擊節

誓中原之清矯之冠軍之勇鳴劔馳伊吾之志況之敵愾

之勲憤犬羊之跳梁率熊羆而攘却表撐裏拓嚴保障於

海陵左弭右韞瞻威稜於江浙展幾報彭衛之役豈止復

鴈門之躋淮浦脩我戎倚招携而討叛師中承天寵豈懋

膏以陟明膺將軍跪轂之榮錫融水齋旄之命增封多衍

食邑真奮以旌細柳堅壁之勤以恢采薇泊外之績於戲

邊境功名在良將朕惟獎勸於忠忱兵事節度皆付公爾

亟肅清於氛祲祇若茲訓并我于艱可此在蕪湖敗師之後

張世傑特授保康軍節度使左金吾衛上將軍

西制置副使兼知平江府仍舊帶行樞密都承旨
揚州駐劄御前諸軍都統行樞密府總統一應軍
馬加食邑會封制

門下千里之內日畿莫重乎根本之地十里為邊有即莫
兼嚴乎予鈇之權惟予冲人未堪多難出車王事棘矣孰
式過於要衝跪轂將軍制之爰疇咨於宿望建淑旂而分
簡敷明綜以揚庭某官雄毅而沉潛忠良而篤實帷幄決
于房之勝方畧運于從鈐草木知萬福之名威稜懾于邊
境矯々冠軍之勇憊々衛上之忱脩戈予與同仇志殄殲
於逆虜倣師徒討亂畧躬獎率於顏行愾綴旂之貼危首

投袂而入援執訊獲醜采薇之捷屢書披霧清氛前茅之
氣大振再念吳門之危急嘗勞師律之蓄攘却敵賢於表
城徽卿民其左社令堂無之池寢延而藩籬之重當嚴稽
中興名將之成規膺右淵制垣之重寄謹固保障則常洞
可復汎掃妖稜則京師以寧克壯其猷用錫爾祉齋壇授
鉞領巨鎮於房陵君臣司金盛戎容於緹騎以危難之間
受任以節度之事付公兼昇牧守之榮益疆屏翰之勢衍
其采邑昭我茂恩於戲地利不如人和朕適求於多助武
服以定王國爾趨奏於膚公三軍同力以收復守之勳衆
心成城以集安民之績俾金湯之不聳永帶礪之有光可

世倅信安歸正人時京城內空賴一軍萬人自荆湖入衛
二王航海世傑毫駕由定海趨三山唐王登極拜少保團
泉州唆都救兵至遂解圍去衛王即位拜太傅戰于崖山
敗績季楊太后以小舟奔取詳香仰天呼曰我令為趙氏
亦已至矣一君亡復立一君令又亡我奉皇太后走者度
幾別立趙氏立之以存趙氏若天不欲之則大風覆吾舟
遂覆

高遠特授少保依前守江軍節度使左金吾衛上

將軍荆湖北路制置副使兼安撫使馬步軍都總

管兼知江陵軍府事兼管內勸農營田使節制本

府屯戍軍馬固始郡用國公加食邑食實封制

門下朕倚重上游圖寧多難命率以衛中國佇圖執訊之

勳式公而弼一人允迪保邦之訓疇勞進律字號揚庭某

雄深而尚謀福艾而持重廉頗為將豈憂白奴哉元國善

兵無踰老臣矣名著硯山之章未計安鄂渚之金湯慨彼

相之忌功不能蚤服迨我國之孔棘未嘗辭難命以江滸

告成于王鎮于荆州用武之國憤彝賊搖我疆之慘投鞭

斷流恃熊羆不二心之忠若防制水无戎十乘以禦侮於

危急二矛重弓以協力于旬宣維樞臣趣勤王之行而間

寄專守圍之任東連吳西連蜀爾為長城仰受詔衣出師

爾紹前烈後采薇三捷之奏躋位棘亞保之班在昔也忠

暨于張俊皆自儀同而序陟用勸殊庸今以校聯而真除

時維戎壘蓋注意隆則恩必厚錫寵優則功可期衍食真

會增光齊鉞於戲嘽之戎車方叔率止朕有嘉克壯之猷
烈之征師召伯成之爾尚集既平之績祇承異數懋建層
公可達荆湖名將鄂州之國高遠帥諸將力戰似道自漢
戲之日觀中者何能為哉將戰必須似道親勞士始出否
則使軍士謹於行似通由是街之許其建節而不予達怒
望久矣及達制置江陵遂以城降于元命朱禛孫檄系湖
北路於是歸映鄧復昂澧辰既靖常德荆門相繼降稟孫
至上都死今觀高遠擬制楮依前武康軍節度豈已嘗建
節故耶或將建節以降故不克用耶中言慨彼相之忘功
不能早用則賈相忘功之罪不可掩矣

祭文 內制

九虞祭

第一虞

至元虞太常卿行禮

相攸禹會穆卜漢陵弓劍既藏美塙如見祭初易奠永極
哀號

第二虞

靡瞻匪父莫親相隨之臨連及而虞無復恭輶之見安于
仍凡申以貳觴

第三虞

仙馭邈然如望井至神旆歸止不顯亦臨罔極一哀有嚴
三祭

第四虞

虞凡安行愴駒陰之信宿容衣如在香龍駕之宇濛荐祀

四陳哀悼九折

第五虞

清江東邁永懷復土之哀嬰衛西歸五展寧神之祭未縣
躬薦溪切心摧

第六虞

穆陵告備想先烈之如存清廟揭虔佇靈存之未祔將親
几奠永切弓號

第七虞 皇帝親行禮

因山既備心如慕以如疑作主是依神來寧而來宴始親
荐奠固極哀摧

第八虞 皇帝親行禮

率時昭考尚思憑几之言瞻彼昊天如見虞觴之奉荐儀
將畢哀素無窮

第九虞 皇帝親行禮

千秋永穆之陵厥儀已闋萬世理宗之廟祔禮將行奄迄
終虞冒勝追慕

遣守臣奏告南岳

岩、喬嶽奠于南邦仁氣所鍾佑民儲祉醜虜不道逆天
犯順江漢之域荼毒橫流爰及長沙氣稜益熾兵民堅守
保障不將而順惟天降福惟神凜忱精祈康克者定威震

有赫電掃凶醜師直為壯亟奏膚公萬里長江咸復舊宇
湘水清謐用文我民於萬斯年永錫祉嘏

奏告滁州端命殿太祖皇帝神御

皇祖造邦以仁興武清流丕績駿命造基揚度安靈輝赫
萬世韃為蛇豕荐食无厭惟此滁城式固封守威神在上
寔佑後之虜梗饑道疆圉孔棘予命願告徽福祖烈為民
請命殄殲凶醜汎掃賊壘耆定武功江漢謐清永又區夏

青詞內制

仲秋潮汛吳山忠清廟設醮

神甸襟江萃民居之浩穰潮靈從月應秋望以奔騰維金

堤捷石之方增慮銀屋駕濤之莫禦匪依洪覆冒即教功
被飭真科吉圭芳荐願賜穆清之鑒申救濛鴻之祇海不
波揚誕登年而沆濟天無風烈究安宅以咸寧

祭文內制

祭濟王文

皇帝遺其任王應麟致祭于皇伯祖故少保、靜鎮潼軍
節度使濟王贈太師尚書令追封鎮昭肅王之墓唯我理
祖因心則友則友惟兄惟王令德孝恭為宗泰伯權臣顯
政追感王於淮南之寃九原鬱憤踰五十載理宗篤叙天
倫哀念不忘瑞平更化亟命復爵維繼絕崇贈之典以待

後人度考踐胙首放追復之詔肆惟冲人繼志存恪今逆
虜犯順國步孔棘氛祲迫于雲川夙夜兢、思所以回上
天悔禍之意用仰成祖宗厚睦之心贈王師垣端揆進封
大國錫以令謚命大宗正選宗屬為王後賜田萬畝俾奉
蒸嘗仍戒有司修崇王墓英魂如在歆我卯章默相陰佑
亟殄醜虜扶持宗社保乂生民祖宗在天寔寵嘉之王之
春秋享祀亦永、無斃王蔡湖州小水惡絕蓋當時叔臣
王濟即之封取濟水絕義又蕭衍篡齊降和帝為巴
陵王而齊王亦降封已陵公用心如此亦可謂无忘憚矣
夫已陵之變踰五十年群臣以濟即為言者皆斥去及夫
兵壓境繼絕崇祀之典始克為之踰年社稷為墟矣春秋
祭祀之不享豈他王哉表文清公曰吳夫人復封端平之
初也復立濟祀德佑之末也馴至於此其可言哉

樂章

魯參孔及配食大成樂章

酌獻魯參成國公

心傳忠恕一以貫之爰述大學萬世訓彛惠我光明尊聞
行知繼聖迪後是享是宜

酌獻孔及沂匡公

公傳自魯孟傳自公有的諸承允得其宗提綱開緼乃作
中庸侑于元聖億載是崇宋咸淳三年度宗幸太學詔升
先聖孔子廟廷昔厚齋公叔直季士院樂章實其撰著宋
止元世祖詔宣先聖先師釋奠儀其沂沂一國遵而用之
適及天下迨將百年而莫有知出于公之手者固宜表而
出之也祚既移郡邑庠序姐豆之事為之暫輟後有奉而

行者不知復能用公之又被之弦歌以昭格享之寔否乎
現於此者感槩係之矣


咸淳元年正月臣在麟以著作佐郎暫攝閤五月兼
翰林叔直二年正月為軍器少監陞學士院權直三
年三月以將作監陞叔直學士院德祐元年三月除
中書舍人兼直學士院四月入院前後再入北門凡
四年咸淳元二間及德祐之元多獨直云臣在麟謹

識

制誥之來尚矣自晉開運元年詔翰林學士與中
書舍人分為西制有唐號為全備至宋而猶盛文
章之士極天下之選然後用之任不亦重乎故事

翰林書詔付門下者為內制而以中書行詞者為
外制凡大冊命領院則命內侍於學士私第傳旨
執仗者異常服呼嗒以俟勞以酒饌然後上馬傳
呼夾道行者辟易既至宦者迺以入制成翌日黎
明捧金盤進御以金刷印可既宣讀乃謝恩受賜
而歸吁其不榮矣乎哉故翰林學士厚齋王公嘗
三入北門咸淳德祐初多獨直且兼掌西掖詞命
一時宣鎖多屬之至於獎予批答之辭詞疏冊祝
之禮紛紜雜還晝夜不停蓋自有宋以來其敏捷
如公者可數矣今即其詞而觀之激厲奮發足以

感泣三軍勤拳諄復足以警惕百揆誠敬惻怛于
以感格神明淵浚博洽于以包絡今古方且一詞
之出士大夫傳寫殆遍倫言以蘇軾比之孰謂宋
祚將止而有斯人也耶書曰俾萬姓咸大王言其
公之謂乎後學滎陽生鄭真再拜謹識



卷之二